



3 is GENOEG

'n saam-glo dissipelskap gesprek

Biduur: 18 - 24 Augustus 2019

3 STAPPE

'n 3iG-groep is 'n saam-glo groep wat deur bid, groei en dien Jesus dieper volg. Drie mense wat kies om saam te bid, saam te luister en saam ons geloof te leef.

2 ANDER

Dit is slegs ek en 2 vriende wat 'n spontane groep vorm. Dit kan egter ook uit meer as drie mense wees: ons familie of vriende of kollegas of mense in die gemeente.

1 GESPREK

Ons maak weekliks met mekaar kontak (deur 'n koffie-afspraak of telefonies) rondom die gefokusde saam-gesels van die week. Die leier-wat elke week wissel-sorg dat ons mekaar daardie week sien.

saam B.I.D

Ons vind nie tyd vir gebed nie, ons maak dit.

B.I.D. staan vir:

B: Bely teenoor God Wie Hy vir jou is én bely ook jou gesukkel vir Hom.

I: Intree vir ander (bv. Jou 3iG-lede, jou familie, wêreld, ens.).

D: dankie-sê, maak daagliks jou dankie-lys en dank God daarvoor.

LEWENS-LEUSE: Bely ook elke oggend en aand **1 Kor. 9: 23** se waarheid:

“Dit alles doen ek ter wille van die evangelie, sodat ek aan die vrug daarvan deel kan hê.”

“... And why you should stick to it and keep moving forward, even when the moving forward gets tough.” Dis die oogmerk van die Hebreërskrywer. Dis soos 'n Comrades-atleet wat op talle punte tydens die wedloop weer moet besluit: “Ek gaan nie ophou nie, ek gaan vasbyt.” Langs die pad moedig toeskouers atlete aan en skree: “Jy kan! Jy’s amper daar!” So draf die skrywer langs ons en sê: “Byt vas! Dis die moeite werd! Julle kan!”. Lees nou **Hebreërs 11: 29 - 12: 2**.

saam
GROEI

Ons lees nie die Bybel nie, ons laat die Bybel ons lees.

saam GESELS

Jesus verwag van ons minder nastaar (admiration) en meer naleef (imitation.)

1. Vertrou mekaar en vertel wat dit is wat jou moeg maak en jou kragte tap. Hoe kan julle mekaar bemoedig. 2. Vertel vir mekaar wat die oorsaak is dat mense hulle geloof (verhouding met Jesus) prysgee? 3. Hebreërs 12:1 wys op die toeskouers wat aanmoedig (“skare geloofsgetuies”). Hoe belangrik is aanmoediging van ander in die geloofswedloop? Ons is amper altyd op onself ingestel, met die gevolg dat ons diegene wat van geloofsuitputting langs die pad gaan sit, dikwels nie eers raaksien nie. Bepaal 'n strategie om ander te bemoedig. 4. By die wenstreep en eindpunt wag lemand vir ons: Jesus. Hy dra nog die littekens van sy “wedloop”. In watter opsig is Jesus vir deelnemers aan die geloofswedloop 'n inspirasie? 5. Gelukkig gaan dit in volharding oor meer as net “vasbyt”, asof dit van ons afhang. Jesus is die “Begin en Voleinder” van die geloof. God is so getrou - Hy het ons verhouding met Hom geïnisieer en hou dit in stand en rond dit af. Hoe sal julle die ryk betekenis hiervan aan 'n moeë verduidelik. 6. Hoe belangrik is dit vir navolgers van Jesus om die oog op die wenstreep en eindpunt en Jesus-self te hou? Hoe doen julle dit?

Geloofsgewoonte: **Om God se beloftes in sy Woord te memoriseer.** Met hierdie geloofsgewoonte leer ons om deur middel van herhaling God se lewegewende beloftes te alle tye en onder alle omstandighede aan vas te hou, ten einde die geloof in ons aan te vuur.

Lees hieroor Ps. 119:11, 97; Luk. 24:8; 2 Pet. 1:13, 15; Jes. 62:6.

Doen-dinge:

1. Leer om van die liedere in die Liedboek van die Kerk, wat vir jou besondere betekenis het, te memoriseer.
2. Skryf 'n belofte van die Here wat jy raakgelees het op 'n kaartjie en plak dit teen die yskas of spieël. Lees die belofte elke dag en herhaal dit totdat jy dit ken. Wanneer jy die belofte ken, beweeg dan eers na die volgende belofte en memoriseer dit op dieselfde wyse.
3. Probeer om 'n hele hoofstuk in die Bybel wat jou na aan die hart lê te memoriseer.

Dink-dinge:

1. Wat, dink jy, is die voordele daarvan om Bybelbeloftes te memoriseer?
2. As jy in eensame afsondering aangehou sou word, waaraan sou jy uit die Bybel kon vashou?
3. Dink na oor beloftes wat jy met ander in moeilike omstandighede kan deel.

saam
STAP

Eers vorm ons gewoontes en dan vorm die gewoontes ons.